




MEĐUNARODNI DAN SIGURNOG ABORTUSA


PRAVO NA ABORTUS U BOSNI I HERCEGOVINI



Šta kaže zakon?

Svaka žena ima pravo da prema vlastitom izboru odlučuje o prekidu trudnoće do desete sedmice trudnoće, u skladu sa Zakonom o uvjetima i postupku za prekid trudnoće (Federacija BiH, preuzet iz bivše države SFRJ), odnosno Zakonom o uslovima i procedurama prekida trudnoće (Republika Srpska).

Na nivou BiH ne postoji pouzdana statistika, kao ni sistematičan način prikupljanja podataka o prekidima trudnoće, uprkos činjenici da su, prema entitetskim zakonima o evidencijama u oblasti zdravstva, sve javne i privatne zdravstvene ustanove koje registruju djelatnost iz oblasti zdravstvene zaštite žena i materinstva i sprovode postupak prekida trudnoće, dužne voditi evidenciju.



Nejednak pristup abortusu za sve žene

Situacija u praksi je takva da, pored postojanja pravnog osnova koji obvezuje na pružanje besplatne i sigurne zdravstvene usluge abortusa, pobačaj još uvijek nije pod jednakim uvjetima dostupan na cijeloj teritoriji BiH. Razlozi za to su višestruki: neobavljanje prekida trudnoće na zahtjev trudnice, neujednačene cijene u kantonima, neadekvatna opremljenost javnih zdravstvenih ustanova potrebnom opremom, nepostojanje ustanova ili nedovoljan broj ustanova koje bi radile te procedure u manjim mjestima/ gradovima, nepotpuna procedura informiranja pacijentica o toku pobačaja itd.



Podaci o broju i metodama obavljenih prekida trudnoća nisu potpuni niti se vode po istim principima u entitetskim i kantonalnim zavodima za javno zdravstvo, pri tome kantonalni ne dostavljaju potpune informacije entitetskom zavodu, privatne ustanove također ne dostavljaju i ne poštuju ovu zakonsku obvezu.



Kantonalni zavodi zdravstvenog osiguranja u FBiH, kao i Fond zdravstvenog osiguranja RS, finansiraju troškove pobačaja u medicinski opravdanim slučajevima sredstvima obveznog zdravstvenog osiguranja, ali ne i pobačaja na zahtjev trudnice (usluga abortusa ide 100% na teret pacijentice).

Ko snosi troškove pobačaja?

Prekid trudnoće koji se obavlja na zahtjev trudnice do zakonom utvrđene starosti ploda se plaća i izvodi se kako u javno-zdravstvenim ustanovama, tako i u privatnim ordinacijama. Cijena je različita u različitim zdravstvenim ustanovama i teško je doći do te informacije, jer nisu sve ustanove voljne dostaviti podatke. Za potrebe pisanja Narandžastog izvještaja (2016-2020), SOC je uputio dopise javnim i privatnim zdravstvenim ustanovama u BiH i **nismo od svih dobili tu informaciju.**



Abortus u privatnim klinikama



 **PLAVA POLIKLINIKA, TUZLA I SARAJEVO**





Cijena prekida trudnoće u općoj anesteziji 400 KM, a abortivna pilula sa nalazima i kontrolnim pregledima košta 250 KM


 **POLIKLINIKA SARA VITA, SARAJEVO**

Cijena prekida trudnoće manualnom aspiracijom u lokalnoj anesteziji 200 KM

*Korišteni podaci dostupni su na web stranicama poliklinika

Abortus u javnim klinikama

-  **OPĆA BOLNICA ZENICA**
100 KM
-  **OPĆA BOLNICA KONJIC**
100 KM
-  **KANTONALNA BOLNICA "DR.
IRFAN LJUBIJANKIĆ" BIHAĆ**
307 KM u općoj anesteziji, 201 KM
u lokalnoj anesteziji
-  **UNIVERZITETSKO-KLINIČKI
CENTAR REPUBLIKE
SRPSKE, BANJA LUKA**
300 KM s anestezijom, 160 KM
bez anestezije



*Korišteni podaci dobijeni su od klinika/bolnica

Naše smjernice za djelovanje



Implementacija entitetskih zakona o uvjetima i proceduri prekida trudnoće mora biti adekvatnija, u smislu da se ovo pravo ostvaruje na teritoriji cijele zemlje pod jednakim uvjetima, da je jednako dostupno i sigurno za sve žene, uz jasno propisan procedure i mogućnosti žene da odlučuje o vlastitom tijelu, zdravlju i životu.

Ujednačiti cijene abortusa na zahtjev u različitim zdravstvenim ustanovama u BiH.

Strožije obvezati zdravstvene ustanove na vođenje evidencije i ustupanje podataka o izvršenim abortusima uz adekvatnu zaštitu ličnih podataka i identiteta žena..